



Departement für Finanzen und Gemeinden Graubünden  
Departament da finanzas e vischnancas dal Grischun  
Dipartimento delle finanze e dei comuni dei Grigioni

Reichsgasse 35, 7001 Cuir  
info@dfg.gr.ch  
www.dfg.gr.ch

tel. 081 257 32 01

Departament da finanzas e vischnancas dal Grischun  
Reichsgasse 35, 7001 Cuir

---

A las adressatas ed als adressats  
tenor la glista da distribuziun

Cuir, ils 22 da mars 2021

## **Revisiun parziala da la Lescha davart la relaziun da lavur da las collavuraturas e dals collavurats dal chantun Grischun (Lescha dal personal, LP; DG 170.400)**

Stimadas dunnas e stimads signurs

In'administraziun moderna, effizienta e concisa dovra personal qualifitgà e motivà. Il chantun Grischun ha problems pli e pli gronds da recrutar las personas spezializadas ed ils caders necessaris. Il motiv è tendenzas socialas, sco la midada demografica, l'emigraziun e la centralisaziun. Las consequenzas èn ina mancanza derasada da personas spezializadas sco er ina concurrenza pli e pli gronda per bunas collavuraturas e buns collavurats.

Perquai ch'il dretg da lavur general sco er las patronas ed ils patrons privats e publics sa sviluppan vinavant cuntinuadamain, sa reducescha la cumpetitivitad da las cundiziuns d'engaschament e da lavur dal chantun d'in cuntin. Quai mussan differentas cumparegliaziuns transversalas, en spezial en il sectur da la cumpatibilitad da la professiun cun la famiglia, per exempel tar la regulaziun da las vacanzas e tar il sustegn da collavuraturas e collavurats che laschan tgirar lur uffants ordaifer la famiglia. En quest connex stoi vegnir resguardà ch'il martgà da lavur relevant daventa cuntinuadamain pli e pli grond pervia da la mobilitad creschenta da las lavurantas e dals lavurants e ch'el sa transfurma perquai tut en tut adina pli svelto d'in martgà da patronas e patrons ad in martgà da lavurantas e lavurants.

En il rom dal program da la Regenza per la perioda da planisaziun 2021–2024 ha la Regenza fixà la finamira che l'administraziun chantunala porschia – sco patrona attractiva – a sias collavuraturas ed a ses collavurats cundiziuns d'engaschament e da lavur progressivas cun prestaziuns da salari, prestaziuns socialas e prestaziuns accessoricas al salari cumpetitivas. Per quest intent ha ella fixà il punct central da svilup «Patrun attractiv». Tenor quel duain las cundi-

ziuns d'engaschament e da lavur vegnir adattadas a las pretensiuns d'ozendi. La revisiun parziala da la Lescha dal personal qua avant maun prevesa per quest intent cunzunt meglieraziuns en il sector da la cumpatibilitad da la professiun cun la famiglia, da la flexibilisaziun dal pensiunament, uschia ch'i po vegnir lavurà er suenter avair cuntanschi la vegliadetgna ordinaria da pensiunament, sco er tar la promoziun da la lavur a temp parzial. Ulteriurs puncts da la revisiun concernan avischinaziuns al dretg da lavur privat e l'extensiun da las cumpetenzas dals posts da servetsch.

La Regenza ha incumbensà il Departament da finanzas e vischnancas (DFV) da realisar la consultaziun tar il sboz da revisiun.

Ils documents da consultaziun chattais Vus sin la pagina d'internet dal chantun Grischun sut [www.gr.ch](http://www.gr.ch) → Publicaziuns → Consultaziuns → [Consultaziuns currentas](#). Nus As supplitgain d'inoltrar Vossa posiziun fin ils **22 da zercladur 2021** sin via electronica ad [info@dfg.gr.ch](mailto:info@dfg.gr.ch).


Sche Vus giavischais infurmaziuns complementaras, As drizzai per plaschair a Fernando Guntern, manader da l'Uffizi da personal, [fernando.guntern@pa.gr.ch](mailto:fernando.guntern@pa.gr.ch), tel. 081 257 32 24, u ad Adrian Hartmann, manader da la partiziun Dretg da personal, [adrian.hartmann@pa.gr.ch](mailto:adrian.hartmann@pa.gr.ch), tel. 081 257 32 10.

Per Vossa cooperaziun As engraziain nus zunt fitg.

Salids amicabels

Departament da finanzas  
e vischnancas dal Grischun

Il schef



Dr. Christian Rathgeb  
Cusseglieier guvernativ

**Glista da distribuziun:**

- partidas politicas incl. partidas giuvnas
- vischnancas
- baselgias chantunalas
- Dretgira chantunala dal Grischun
- Dretgira administrativa dal chantun Grischun
- dretgiras regionalas Alvra, Bernina, Engiadina Bassa/Val Müstair, Landquart, Malögia, Moesa, Partenz/Tavau, Plaun, Plessur, Surselva e Viamala
- Center da furmaziun per la sanadad ed ils fatgs socials CSS
- Scola auta spezialisada dal Grischun SASGR
- Assicuranza d'edifizis dal Grischun GVG
- Scola auta da pedagogia dal Grischun SAPGR
- Cassa da pensiun dal Grischun CPGR
- Servetschs psichiatrics dal Grischun SPGR
- Institut d'assicuranza sociala dal Grischun IAS
- organisaziuns da tetg da l'economia grischuna
- associaziuns da personal, numnadamain:
  - Avenir Social
  - Associaziun da la Polizia chantunala dal Grischun
  - Uniun sindacala dal Grischun
  - LEGR, Magistraglia Grischun
  - Federaziun dal personal dal chantun Grischun
  - Sindicat svizzer dals servetschs publics SSP dal Grischun
- Centrala grischuna da dunnas
- incumbensà per la protecziun da datas dal chantun Grischun
- departaments da l'administraziun chantunala
- Chanzlia chantunala
- Controlla da finanzas